

**„პარტნიორობის ინიციატივა“**  
**შეთანხმება**  
**საქართველოში სტუდენტთა კარიერული**  
**განვითარების ხელშეწყობისთვის**

საქართველოს უმაღლეს სასწავლებლებში სტუდენტთა კარიერული განვითარებისა და დასაქმების ხელშეწყობის მიზნით ევროკავშირის უმაღლესი განათლების რეფორმის ხელშეწყობისა და თანამშრომლობის პროგრამის - „ტემპუსის“ მიერ დაფინანსებული პროექტის - „სტუდენტური საკარიერო სერვისების განვითარება საქართველოში“ (CASEDE- No. 530566-TEMPUS-1-2012-1-LT-TEMPUS-SMGR (2012-3045/001-001)-P6)

პარტნიორი უნივერსიტეტები:

- სსიპ - ივანე ჯავახიშვილის სახელობის თბილისის სახელმწიფო უნივერსიტეტი,
- სსიპ - ბათუმის შოთა რუსთაველის სახელმწიფო უნივერსიტეტი,
- შპს - შავი ზღვის საერთაშორისო უნივერსიტეტი,
- სსიპ - სამცხე ჯავახეთის სახელმწიფო უნივერსიტეტი,
- სსიპ - იაკობ გოგებაშვილის სახელობის თელავის სახელმწიფო უნივერსიტეტი,
- სსიპ - შოთა მესხიას ზუგდიდის სახელმწიფო სასწავლო უნივერსიტეტი,
- შპს - საქართველოს უნივერსიტეტი

საქართველოს დამსაქმებელთა ასოციაციასა და საერთაშორისო სავაჭრო პალატის ეროვნულ კომიტეტთან ერთად თანხმდებიან თანამშრომლობაზე და ხელს აწერენ დოკუმენტს „პარტნიორობის ინიციატივა“.

### I. პარტნიორობის ინიციატივის მიზნები

პარტნიორობის ინიციატივის მიზნებია:

- საქართველოს უმაღლეს სასწავლებლებში სტუდენტთა კარიერული განვითარების სერვისის მნიშვნელობის აღიარება და კონკრეტული ქმედებების განხორციელება ამ მიმართულებით;
- თანამშრომლობის მიზნებისა და პრიორიტეტების შეთანხმება და შესაბამისი მეთოდებისა და საშუალებების შემუშავება დასაქმებისთვის აუცილებელი საკვანძო უნარ-ჩვევების განვითარების გზით სტუდენტთა დასაქმების ხელშეწყობისთვის, გლობალური შრომის ბაზრის მოთხოვნათა შესაბამისად.

წინამდებარე დოკუმენტი წარმოადგენს საფუძველს იმისთვის, რომ საქართველოს უმაღლესმა სასწავლებლებმა და სხვა დაინტერესებულმა მხარეებმა ერთმანეთს გაუზიარონ საკუთარი ხედვა, პოლიტიკა და გამოცდილება სტუდენტთა დასაქმების ხელშეწყობის მიზნით და მომავალში განვითარონ ორმხრივი თუ მრავალმხრივი თანამშრომლობის ფორმატები ამ სფეროში.

### II. პრობლემატური საკითხების აღწერა

„პარტნიორობის ინიციატივაზე“ ხელისმომწერი ყველა მხარე თანხმდება, რომ არსებობს ზოგადი საკითხები, რომლებიც უარყოფითად აისახება სტუდენტთა დასაქმებაზე, მათ შორის:

- სტუდენტებს არ აქვთ მკაფიოდ განსაზღვრული პირადი და პროფესიული პრიორიტეტები და გამოკვეთილი კარიერული ხედვა; აკლიათ მოტივაცია და მომზადება საკუთარი კარიერის დაგეგმვისთვის;

- სტუდენტები არ იცნობენ თანამედროვე შრომის ბაზრის მოთხოვნებს, არ აქვთ მკაფიოდ გაცნობიერებული, რას ნიშნავს შრომის ბაზარზე თავის დამკვიდრება, აკლიათ სამუშაოს მოთხოვნებთან შეგუების უნარი;
- შეუსაბამობა სტუდენტების თეორიულ და პრაქტიკულ ცოდნას შორის;
- სტუდენტებს არ აქვთ მკაფიო წარმოდგენა სამუშაოს ძიების სტრატეგიასა და მექანიზმებზე; აქვთ თვით-პრეზენტაციის არასაკმარისი უნარი;
- მწირია პირდაპირი კონტაქტი სტუდენტებსა და დამსაქმებლებს შორის.

### III. თანამშრომლობის პრიორიტეტები

წინა პუნქტში ჩამოთვლილი პრობლემატური საკითხების მიზნით მხარეებს შორის გამოიკვეთა თანამშრომლობის შემდეგი პრიორიტეტები:

- უმაღლეს სასწავლებლებში სტუდენტთა კარიერული განვითარების ცენტრების შექმნა, სადაც კვალიფიციური სპეციალისტები მოემსახურებიან სტუდენტებს პროფესიული ორიენტაციისა და განვითარების საკითხებზე;
- სტუდენტების დახმარება დასაქმებისთვის აუცილებელი უნარ-ჩვევების გამომუშავებაში სპეციალური ტრენინგებისა და მიზნობრივი საქმიანობების საშუალებით;
- დამსაქმებლების აქტიურად ჩართვა სტუდენტთა კარიერული განვითარების პროცესებში და შესაბამის ღონისძებებში;
- სტუდენტებსა და დამსაქმებლებს შორის კონტაქტის ხელშეწყობა;
- დამსაქმებლების დაინტერესება უმაღლეს სასწავლებლებთან თანამშრომლობით;
- ინფორმაციის გაცვლა მიმდინარე თუ სამომავლო საკადრო მოთხოვნებთან დაკავშირებით და ამ ინფორმაციის ოპერატორულად მიწოდება სტუდენტებისთვის.

### IV. წარმომადგენელთა საბჭო

„პარტნიორობის ინიციატივის“ ფარგლებში შეიქმნება წარმომადგენელთა საბჭო, რომელშიც შევა დოკუმენტზე ხელისმომწერი ყველა მხარის წარმომადგენელი (უმაღლესი საგანმანათლებლო დაწესებულებებისთვის, სასურველია, ეს იყოს კარიერული განვითარების სამსახურის ხელმძღვანელი). საბჭოს საქმიანობის მიზანია:

- ა) განისაზღვროს „პარტნიორობის ინიციატივის“ სტრატეგიული მიმართულებები;
- ბ) შეთანხმდეს მუშაობის ზოგადი მეთოდები, გამოვლინდეს მექანიზმები და რესურსები „პარტნიორობის ინიციატივის“ მიზნის განსახორციელებლად;
- გ) უზრუნველყოფილი იყოს კომუნიკაცია დოკუმენტზე ხელისმომწერ მხარეებს შორის, მოხდეს ინფორმაციის გაცვლა მიმდინარე საქმიანობებზე, გამოწვევებზე, სამომავლო გეგმებზე;
- დ) „პარტნიორობის ინიციატივის“ ფარგლებში განხორციელებული საქმიანობების მონიტორინგი;
- ე) ინფორმაციის გავრცელება „პარტნიორობის ინიციატივის“ საქმიანობებზე როგორც თითოეული ხელისმომწერი დაწესებულების ფარგლებში, ასევე ქვეყნის მასშტაბით.

### V. დასკვნითი დებულებები

წინამდებარე დოკუმენტი:


- გამოხატავს ხელისმომწერი მხარეების ზოგად მოსაზრებებს და არ წარმოქმნის არანაირ იურიდიულ ვალდებულებას ხელისმომწერი ორგანიზაციებისთვის;
- შეიძლება შეიცვალოს მხარეებს შორის შეთანხმებით;
- ძალაში შედის ყველა მონაწილე მხარის მიერ ხელმოწერის დღიდან და მოქმედებს მანამ, სანამ ცალკეული მონაწილე მხარე უარს არ იტყვის შეთანხმების პირობებზე.

სსიპ - სამცხე ჯავახეთის სახელმწიფო  
უნივერსიტეტი  
მისამართი: რუსთაველის ქ. #106, ახალციხე  
საიდენტიფიკაციო კოდი: 224066977  
ტელ: (+995 99) 06 33 66; ფაქსი: (+995 365) 22 19 90  
ელ-ფოსტა: beridze-merab@rambler.ru




პროფ. მერაბ ბერიძე  
რექტორი

სსიპ - შოთა მესხიას ზუგდიდის სახელმწიფო  
სასწავლო უნივერსიტეტი  
მისამართი: ჯანამიას ქ. # 14, 2100 ზუგდიდი  
საიდენტიფიკაციო კოდი: 220407888  
ტელ: (+995 415) 25 62 17; ფაქსი: (+ 995 415) 256217  
ელ-ფოსტა: zssuedu@gmail.com



ზაალ ქორთუა  
ადმინისტრაციის ხელმძღვანელი

შპს - საქართველოს უნივერსიტეტი  
მისამართი: მ. კოსტავას ქ. #77ა . თბილისი  
საიდენტიფიკაციო კოდი: 205037137  
ტელ: (+995 32) 2 55 22 22; ფაქსი: (+995 32) 2 55 22 22  
ელ-ფოსტა: info@ug.edu.ge



პროფ. მანანა სანაძე  
დირექტორი

თბილისი, 26 ივნისი, 2014 წ.